

古蹟志

人事有代謝往來成古今江山留勝蹟我輩復登臨懷古者類如斯也夔郡名勝最多創建亦繁題詠尤盛皆前人之遺澤也作古蹟志

奉節縣

附郭

魚復故城在縣東北

見沿革

唐張說有下江南向夔州詩 杜甫有移居夔州郭詩又

船下夔州別王十二判官詩俱載藝文

白帝故城在縣東

見沿革

唐陳子昂有懷古詩 李白有早發白帝城詩 杜甫有詩

李

胡藩有詩

宋宋肇有詩

曾慥有詩

陳謙有詩

國朝王士正有詩俱見藝文

古蹟

夔州府志

卷三十三

永安宮城在今縣治

見沿革

信州故城在縣治府城即其故基梁隋信州治此

九城志信

州城梁置晏殊類要信州後周置總管府隋開皇初廢唐武德九年曰信州次年改夔州

水邏城在縣東

舊志後周天和元年信州蠻冉令賢等據巴峽攻白帝於江南險要之地立十

城自率精銳守江北水邏城周將陸騰討之兵至楊口先拔其江南八城因數道入攻水邏路經石墨城其城險峻四面壁立惟一小徑緣梯而上騰披甲先登遂克之又石勝城亦稱險要騰又襲取之然後引兵向水邏蠻衆大潰斬獲無算別將司馬裔又下其二十餘城因爲京觀于水邏城側

石墨城在縣東北境

舊志冉令賢黨向五子王據此陸騰既平水邏因遣王豪屯岸坪以

圖石墨立柵遏其走路遂悉平之

永安宮在府治東

入蜀記夔州城在山麓沙上所謂魚復永安宮也縣志即今之府學蜀漢

章武二年昭烈征吳為陸遜所敗還白帝改魚復為永安宮居之諸葛亮受顧命於此舊志永安宮在奉節縣東卧龍山下唐杜甫有詩宋蘇軾有詩俱見藝文

霽月館在府治內古計臺相傳渝州趙稔遷居於此遺

址尚存明知府郭棐重建

東屯高齋在縣東杜甫故宅

宋陸游有記于與修東屯少陵故居有記費士

幾漕司高齋堂有記唐杜甫有夔州書懷詩又入宅詩三首暫在白帝復還東屯詩自瀼西荆扉移居東屯茅屋詩四首宋闕者孫有詩陳邕有詩王十朋有詩薛紱有詩俱見藝文

東屯在縣東

輿地紀勝公孫述于東瀼水濱墾稻田因號東屯稻田水畦延袤可得百許頃前帶

夔州府志

卷三十三

古蹟

二

清溪後枕崇岡樹木葱蒨氣象深秀去白帝五里而近稻米為蜀第一吳潛夔門志東屯諸處宜瓜疇芋區瀼西亦然地理通釋武侯之泊蜀也東屯白帝以備吳南屯夜郎以備蠻北屯漢中以備魏杜甫嘗移居於此唐杜甫有詩又有東屯月夜詩東屯北崦詩宋陸游有詩俱見藝文

故陵村在縣西

水經注舊郡治故陵谿西二里故陵村谿即永谷也地多木瓜樹有魚復尉戍

此

巴鄉村在縣西

水經注故陵谿西二里有巴鄉村村人善釀俗稱巴鄉清寰宇記巴鄉村在南

鄉峽西八十里村旁有溪溪中多靈壽木

鮑家莊在縣北

舊志舊傳漢末鮑氏三娘勇力絕倫廉康賊欲娶之不屈與戰破之後闕索來

攻遂以城隆同為漢室討賊今城蹟尚存

制勝樓在縣東宋建宋董鉞有記 張商英有序 王延禧有詩 李燾有詩 閻蒼舒有詩 王十朋有詩 俱見藝文

白雲樓在縣城內樓有三層登覽之勝申於一郡宋程之才有詩見藝文

最高樓在縣東白帝城唐杜甫有詩見藝文

白帝樓在縣東故白帝城上唐杜甫有詩 宋陸游有登白帝樓懷少陵詩俱見藝文

五桂樓在府學前舊志宋大觀中郡人李裳及弟襲裳子公京襲子公奭公奕父子叔姪五人相繼登科因名

夔州府志 卷三十三

古蹟

三

靜暉樓在縣治北即靜暉書院明郭棐更名仰高書院宋時樓下有古栢明郭棐有記見藝文

觀文樓在府治後明嘉靖知府張環建陳時範題曰觀文郭棐重修

會勝樓在縣西明正德初郡守吳潛建禮部尚書席書有記

萬丈樓在縣東十里杜甫故居後人建樓取李杜文章在光焰萬丈長之義為名

臨江閣在府治內西隅

清風閣在縣白帝城東即今之譙樓

西閣在縣東杜甫寓夔故居

蔡夢弼草堂詩年譜大歷元年丙午春自雲安縣至

夔州居之秋寓於夔之西閣二年丁未在夔州西閣春
還居赤甲三月遷瀼西秋遷東屯後自東屯歸瀼西三
年戊申正月月中旬去夔出峽按杜甫寓夔凡四遷東屯
瀼西之外所謂卜居赤甲遷居新兩見巫山楚水春者
指赤甲之居也而新舊志皆無考陸游高齋記以次水
門者為白帝之高齋此詩宿江邊閣作也江邊閣即西
閣蓋寓夔最初之居然則西閣亦稱高齋其不互載者
所以別於東屯耳 唐杜甫有宿江邊閣詩又西閣望
雨詩西閣詩二首西閣夜詩夜宿西閣呈元二十一曹
長詩西閣口號呈元二十一詩閣夜詩不離西閣詩二
首西閣曝日詩俱見藝文

同春閣在縣前正德初郡守吳潛建又建留潤軒

瀼西草堂在縣東亦杜甫寓夔故居

在府治東五里非少陵瀼西舊址乃

夔州府志

卷三

古蹟

四

借名也明萬歷間知府郭棐及知縣羅繡藻於此建草
閣 明陳文燭有重修瀼西草堂記 唐杜甫有柴門
詩又瀼西寒望詩卜居詩春暮題瀼西新賃草屋詩五
首晚登瀼上堂詩秋日夔州詠懷奉寄鄭監李賓客一
百韻俱見藝文

十賢堂在縣城內

舊志初名歲寒又名忠孝宋慶歷中

嚴挺之杜甫陸贄韋昭範白居易柳鎮寇準唐介凡十
人畫像堂中外裁修竹按梅溪詩云將軍頭可斷是詠
嚴顏非嚴挺之然嚴挺之為萬州員外參軍顏未任夔
何故祀之宋王十朋詩屈大夫原大夫楚忠臣哀哉以
讒逐遺廟大江濱醒清古今獨嚴將軍顏將軍頭可斷
詎可以城降斯可為忠矣至今名此邦諸葛武侯亮卧
龍起南陽不為鼎一足託名蜀丞相相漢非相蜀少陵
先生杜甫子美稷高志空抱竟無用夔州三百篇高配
風雅頌陸宣公贄敬輿被讒謗閉門不著書活人集名
方炳然仁誼餘韋丞相處厚韋侯守盛山賦詩十二首

能以堯事君遂令詩不朽百文公居易賦詠窮三峽樂
天在忠州苟不以直道亦如柳與劉稱文公鎮柳公本
書生忠勇著岳鄂盛山戮姦吏餘威震夔落寇萊公隼
萊公經濟業志在巴東詩斯人不復見亭上秋風悲唐
質肅公介子方筮仕初牛刀割魚復一朝峩薦冠風采
百寮肅

越公堂在縣瞿唐關內隋楊素建

唐李貽孫夔州都督府記 杜甫詩俱見

藝文

詩史堂在府治內有唐杜甫畫像今無

宋王十朋有詩見藝文

甘露堂在縣治東

舊志宋時州治內堂又有易治堂舊名整暇細香堂舊名愚堂及萬卷堂

穿楊亭無隱齋並見梅溪集州宅雜詠 宋王十朋有甘露堂詩二首又萬卷堂詩易治堂詩細香堂詩穿楊亭詩無隱齋詩俱見藝文

夔州府志

卷三十三

古蹟

五

瑞白堂在府治內

宋王十朋有詩見藝文

開濟堂在縣東武侯廟宋建

宋何耆仲小記堂門歲久將壓矣淳熙疆圉作噩歲

舉而新之因訪善本重肖侯像摘老杜兩朝開濟老臣心之句以字堂

去思堂在縣治士民思前守楊竒德澤繪像祀之今圯

三峽堂在縣東瞿唐關宋元祐間運判宋肇改鎖江亭

為三峽堂

宋呂商隱行記商隱被命赴關大卿李先生實帥夔門作三峽堂成而未考也因相率置

酒作樂其上同來者商隱及郡僚張說之陳子長員仲文謝邦彥堂據峽口俯瞰洪流震盪灑瀨真為偉觀歲

淳熙己亥八月二十三日成都呂商隱 宋肇有記又詩 張續有詩 郭明復有詩 王十朋有詩俱見藝文

粉壁堂在縣翟唐峽口白鹽山昔人磨崖刻中興頌於上

朝山堂在縣白帝城今廢 宋晁公邁有賦見藝文

江月亭在府治內 宋何異留題癸亥燈夕前一日臨川何異同叔招王鈗轄飲次日當用故事邀漕使鉅野李誠之訖同至江月亭鈗轄錄示梅溪舊題預有所請方辭以老罷無復強綴語言始許記歲月云是夕五鼓形於夢寐得二十字其詞曰月湖湖上月到處有光輝既解相隨出當須照我歸覺而甚喜歸日可期既登此亭水月相得愈切刀頭之夢故併書以遺之鈗轄名光遠字宏父是為江月主人 王十朋有詩見藝文

公會亭在府治內

夔州府志 卷三三 古蹟 六

望華亭在府治後明成化間郡守吳晟築土為臺宏治

辛酉郡守楊奇為亭額曰望華

江郊亭在縣西二十里宋建 宋楊成亭有詩 單夔有詩見藝文

述賢亭在縣東宋建今圯 宋閻苑有賦并序見藝文

小紅翠亭在府治今廢 宋劉士季有詩見藝文

挹翠亭在縣東麝香山白居易遊息之所

永安亭在府學明倫堂後康熙二十七年知府許嗣印

建

搗鼓臺在縣西五里大江北岸傳為漢張桓侯故蹟

八陣臺在縣東武侯廟前下瞰八陣石磧宋劉望之有賦張纘有詩見藝文

控巴臺在府治今廢宋何異有詩李訖有詩見藝文

柏柱在白帝城西大十圍高三丈世傳為公孫述樓柱枯而不朽

八陣圖磧在縣南水經注江水經諸葛亮圖壘南石磧平曠望兼川陸有亮所造八陣圖東跨故壘皆細石為之自壘西去聚石八行行間相去二丈皆圖兵勢行藏之權深識者所不能了今夏水漂蕩歲月消損高處可二三尺下處磨滅殆盡寰宇記八陣圖在奉節縣西南七里荆州圖考去永安宮南一里渚下平磧上週迴四百十八丈中有諸葛孔明八陣圖聚細石為之各高五尺廣十圍歷然碁布縱橫相當中間

夔州府志 卷三十三

古蹟

七

相去九尺正中開南北巷悉廣五尺凡六十四聚或為人散亂及為夏水所沒冬水退後依然如故盛宏之荆州記云壘西聚石為八行行八聚聚間相去二丈許謂之八陣圖因曰大陣既成自今行師更不復敗八陣及壘皆圖兵勢行藏之權變深識者所不能了桓温伐蜀經之以為常山蛇勢此盖臆言也舊志在縣南二里成都圖經八陣凡三在夔者六十有四方陣圖也其二詳見新都縣 宋劉昉記 李昭玘論 范蓀說 元楊維禎賦 晉桓温詩 唐杜甫詩 劉禹錫詩 朱蘇軾詩 蘇轍詩 馮山詩 王剛中詩 李興宗詩 李訖詩 無名氏詩 喻汝礪詩并序 王十朋詩又正月初六日踏磧呈行可元章詩與二同年觀雪於八陣臺上詩人日游磧詩 張晉詩 宇文紹莊詩 費士戮詩

國朝王士正詩俱見藝文

北園在縣東舊有甘林名勝志北園即少陵瀆西果園也輿地碑目少陵道蜀凡八稔

在夔獨三年平生所賦詩凡千四百六篇而在夔者三百六十有一治平中知州賈昌言刻十二石於北園歲久字漫滅建中靖國元年運判王遠新為十碑今在漕司唐杜甫有北園詩又寒雨朝行視園樹詩課小豎鋤斫舍北果林枝蔓荒穢淨訖移床三首甘林詩阻雨不得歸瀼西甘林詩將別巫峽贈南鄉兄瀼西果園四十畝詩俱見藝文

石鼓在江岸與八陣圖對名勝志舊經云八陣圖銘石刻在積中今不復見張季長詩刻銘久伏水底

孟良梯夔州志孟良梯在瞿唐峽山與粉壁相連孟良欲過關架木為梯形迹猶存

丁房雙闕輿地碑目夔州臨江市丁房雙闕高二丈餘上為層觀飛檐車馬人物又刻雙扉其一扉微啟有美人出半面而立巧妙動人

夔州府志

卷三

古蹟

八

古兵書匣在縣東赤甲山上名勝志赤甲山巖穴中露一匣甚高不可升相傳乃古兵書匣

太極亭在蓮花池嘉慶十一年奉節令許乃大建從前原有舊亭圯不知其創自何人

太極樓在縣學後萬歷二年知府郭棐建今圯

仕優軒在奉節縣舊署內

十二景

文山瑞彩 武侯陣圖 灩澦迴瀾 瞿唐凝碧

白鹽曙色 赤甲晴暉 蓮池流芳 草堂遺韻

龍岡轟秀 魚浦澄清 白帝層巒 峽門秋月

補遺

成鏞題灑瀕水則

開封成鏞子韶同蹇渥澤郭公臨東去過高齋覽形勝遣人撐舟垂繩墜

石則灑瀕之水約八十四丈子韶曰夏中江漲灑瀕上水猶三十餘丈可想見矣淳熙乙巳五月二十五日

守關大將軍徐宗武

峽口鐵柱二上鑄守關大將軍徐宗武等字

何公題峽口詩

峽口石上字多磨滅惟一詩云白帝城邊春草生黃牛峽口水波清追思昭烈

千古事長使英雄氣不平後書大元至元十九年歲次壬午鎮國上將軍四川宣慰使何公同男到此吟

夔峽夜吟

蘇東坡泊舟夔峽聞有人吟江流石不轉遺恨失吞吳之句曰予杜子美也世人多誤解

吾詩謂先王伐吳不利以此為恨非也蓋武侯之志在於中原欲結東吳為外援伐之轉失策耳

聖泉石

聞見雜錄夔峽將至灑瀕堆峽左崑上有題聖泉二字泉上有大石謂之洞石而初無泉也過

夔州府志

卷三

古蹟

九

者擊石大呼則水自石下出予嘗往焚香俾舟人擊而呼之曰山神土地人渴矣久之不報一卒無室家復大呼曰龍王萬姓渴矣隨聲水注時正月雪下其水如湯或曰夏則如水凡呼者必以萬姓別以龍王而呼之水於是出矣

夔峽題詩

竹坡詩話夔峽道中昔有杜少陵題詩一首叶天字韻者榜之梁間自唐至今無敢和作

有一監司過而見之輒和其韻大書於側後人嘲之云想君吟咏揮毫日四顧無人膽似天

巫山縣

巫縣故城在縣東

見沿革

大昌故城在縣北

見沿革

江陰故城在縣西六十里

見沿革

南陵廢縣在縣南大江南岸東晉時置縣屬建平郡劉

宋元嘉中廢 見沿革

北井廢縣在縣北 見沿革

天賜城在縣西北 一統志城在廢大昌縣西六十里宋將廉康所築景定中守將徐宗武立石

故東陽府在縣東一里 唐志夔州有府一曰東陽元統志隋置唐貞觀三年廢

楚王宮在縣東北一里 寰宇記在縣西北二百步陽臺之細腰宮前有一池亦當時燕遊之地今湮沒畧盡元統志細腰宮在縣東北一里許府志在女觀山西畔小山頂三面皆荒山南望江山奇麗

夔州府志 卷三

古蹟

十

昭君村在縣東九十里 唐杜甫負薪行 白居易有詩 崔塗有詩 明繆宗周有詩

國朝黃幼藻有詩 劉淑慧有詩俱見藝文

望江亭瞻雲亭俱在縣西

瞻華亭今廢 宋鄧諫從有詩見藝文

陽雲臺在縣西北 寰宇記臺高一百二十丈南枕長江宋王賦云遊陽雲之臺望高唐之觀

即此方輿勝覽在縣西北五十步又高唐觀在縣西北二百五十步冥船錄陽臺高唐觀今在巫山來鶴峯上舊志按司馬相如子虛賦前言楚上獵於雲夢後言登陽雲之臺孟康註云夢中高唐之臺據此當在今荊州及漢陽境然宋賦言神女在巫山之陽高邱之阻朝朝暮暮陽臺之下則陽臺在巫山理亦有之若高唐則實在雲夢不在巫山也唐張九齡有詩 胡曾有詩 國朝王士正有詩俱見藝文

藏春塢在縣北

明統志在大昌縣治府志今三臺崖即其地也其中空洞可容百人

陽雲樓

梁簡文帝元帝為湘東王時倡和有詩

得勝宮

治東六十里宋濂詩關羽旌旗何處去空留英氣照滄波

王化城

治東北

斬龍臺

治西南六十里錯開峽一石特立俗傳禹王導水至此一龍錯行水道遂斬之故峽名錯開峽

臺名斬龍臺

魯班巖

治東十五里上有斧鑿風扇形迹

石孔

沿江山峽俱有唐劉晏所鑿以引塩泉

八景

夔州府志

卷三

古蹟

十一

夕霞返照

南林春曉

陽臺暮雨

熒火晚渡

澄潭秋月

秀峯禪刹

女觀貞石

清溪魚跳

附大昌八景

泮水拖藍

聚奎聳翠

金頭霽雪

唐帽晴雲

龍池夜月

羊耳秋風

七里春耕

昌陽晚渡

補遺

玉光亭

信州圖經玉光亭在巫山縣廳之東章郇公詩碑在焉蜀人青陽楷和韻云鳴琴宰相有三長

吟得新詞敵夜光妙是斷章無以和神仙官職水雲鄉

蜀道難

蜀道難自古記之梁簡文帝詩云巫山七百里巴水迂迴曲笛聲下復高猿啼斷還續此為川

東舟行峽中作也李白詩云不與秦塞通雲烟此爲川北棧道作也大都蜀道無不難者峽固險矣而陸亦不易如夔陵至巴東之路視棧道何異是其難又在楚不在蜀耳

神女詩

太尉李德裕嘗謂賓侶曰余偶賦巫山神女一詩內有二句云自從一夢高唐後可是無人勝楚王畫夢宵征巫山似欲降者成式曰屈平流於湘沅椒蘭久而不芳卒葬江魚之腹爲曠代之悲宋玉則招屈之魂明君之失恐禍及身遂假高唐之夢以感襄王非真夢也我公作神女之詩思神女之會惟慮成夢亦恐非真李公退慚其文不編集於卷

神女詩

吳簡言一日爲神女辨誣云惆悵巫娥事不平當年一夢是虛成只因宋玉間唇吻流盡巴江洗不清是夜夢神女致謝而去

巴峽夜吟

建隆初有人泊舟巴峽夜聞人咏曰秋徑堆黃葉懸崖露草根猿聲一叫斷客淚數重痕

夔州府志

卷三

三

通宵凡吟百遍又有梁伯升者肄業廢宅中夢一女子綠裙紅袖呼梁君聽妾幽恨之句詩曰卜得上峽日秋來風浪多江陵一夜雨腸斷木蘭歌

文敏手書

趙文敏手書十二峯詞昔刻於巫山縣令厭其求索之煩磨去僅於士大夫家見之

神禹受符壇

祝史云每八月十五夜月明時有絲竹之音往來集仙峰頂上猿鳴達旦方止疑真

觀後山半有石壇平曠傳云夏禹見神女授符書於此壇上觀十二峯宛如屏障巫山南林山極高大有路如綫盤屈至頂謂之一百八盤往施州正路黃魯直詩云一百八盤携手上至今歸夢繞羊腸即謂此也

神女廟題詩

雲溪友議白居易除蘇州刺史自峽沿流赴郡時秘歸縣繁知一聞居易將過巫山

先於神女祠粉壁大署曰蘇州刺史今才子行到巫山必有詩爲報高唐神女道速排雲雨候新詞居易睹題處暢然邀知一至曰歷陽劉郎中禹錫三年理白帝欲作一詩於此怯而不爲罷郡經過悉去千餘詩但留四

章而已此四章者乃古今絕倡也而人造次不合爲之
沈佺期曰巫山高不極合沓狀奇新閭谷疑風雨幽崖
若鬼神月明三峽曙潮滿九江春爲問陽臺客應知入
夢人王無競曰神女下高唐巫山下夕陽徘徊作行雨
婉孌逐荆王電影江前落雷聲峽外長霽雲無處所臺
館曉蒼蒼李端曰巫山十二重皆在碧霄中回合雲藏
日霏微雨帶風猿聲寒渡水樹色暮連空愁向高唐去
千秋見楚宮皇甫冉曰巫峽見山東迢迢出半空雲藏
神女館雨到楚王宮朝暮泉聲落寒暄樹色同清猿不
可聽偏在九秋中居易吟四篇詩與繁同濟而竟不爲

雲陽縣

胸忍故城在縣西漢置晉曰胸臆

見沿革

雲安監城在縣東北

見沿革 唐劉禹錫始至雲安寄兵部韓侍郎中書白舍人有詩

國朝宋琬有詩俱見藝文

夔州府志

卷三

古蹟

十三

寶子塔在縣東大江中昔人鑿石爲之爲行舟之則諺

云水侵寶塔脚下舟休要錯

水閣在縣南

唐杜甫有詩見藝文

客居

唐杜甫有詩又客堂詩俱見藝文

德輝堂在縣北

橘官堂在縣南五峰驛前

宋李壘有記見藝文

杜鵑亭在縣北前有巨石每歲春深則杜鵑啼其上

唐杜

甫有詩又有子規詩俱見藝文

演易臺在縣北三十里地名向陽坪宋邵康節於此注

易明御史盧雍立石表之

洗墨池在演易臺側

八景

五峯晴日 暘谷椒花 鳳山春色 江樓得月

東瀼增潮 龍川夜濤 雲巖滴翠 上瀨索舟

補遺

九龍井

漢扶嘉生一女一日遊於溪畔恍惚有娠年餘須臾化為九龍嘉異之示雲安人不得於溪中取魚嘉臨終有記云三牛對馬嶺不出貴人出塩井沒後其女示以井脉處掘開遂得塩井九民共立嘉為井主至今為雲安井神封為招利廣濟王又封九龍為龍王今為

夔州府志

卷三十三

古蹟

古

九井之神

萬縣

南浦故城今縣治

見沿革

武寧廢縣在縣西

見沿革

許旌陽宅在廢武寧縣西一里今為白鶴觀

輿地紀勝武寧縣西

一里許旌陽舊宅即今日之白鶴寺也宋大章未嘗讀神仙傳疑而不信新都宰張澤語之曰許遜本潭人曾任蜀之旌陽令雅願此山因有別業亦何疑乎

靜波樓在城南

國朝乾隆初年知縣劉乃大建

鐘鼓樓在縣東三里前臨大江知縣房蘭若建以鎖江口

桂華樓在縣治內慶元中張賓知萬州以州士二人同年登科故名

江會樓在縣北

七賢堂在縣東祀宋魯有開張俞范鎮蘇洵蘇軾蘇轍黃庭堅刻其詩堂中

西山亭在縣西流杯池上方輿勝覽距萬州治二里其初蔓草荒蕪宋郡守馬元穎魯有開元翰相繼修葺為峽上勝境宋劉公餞有記見藝文

夔州府志

卷三三

古蹟

五

二詠亭在縣東宋張俞范鎮嘗相唱酬於此太守趙希

混因以名亭

臨江亭在縣西宋張俞有詩見藝文

濟川亭在縣治前輿地紀勝太守魯有開建亦名曰南浦樓

講易臺在縣南市郭里之虬溪明梁山來知德註易處流杯池在縣西二里宋守魯有開所鑿宋黃庭堅記庭

出南浦太守高仲本置酒西山實與從事譚處道俱來西山者蓋郡西渡大壑稍陟山半乃栢竹檜翳之間水泉瀕為大湖亭榭環之有僧舍五區其都名名曰勒封院樓觀重複出沒煙霏之間而光影在水此邦之人歲修禊事于此凡夔州一道東望巫峽西畫郾林泉之勝莫與南浦爭長者也寺僧文照喜事作東西二堂于

茂林修竹之間仲本以為不奢不陋冬煖而夏涼宜于遊觀也時建中靖國元年二月辛酉題并書

分水公館在縣西百里明宏治年建

四望樓在縣南

唐白居易有詩又有答楊使君登樓見憶詩俱見藝文

岑公洞

大江之南唐岑公隱此中有石其狀如芝名曰石芝有泉湧出名灌芝泉左為方池岩有水注若珠簾洞前石碑林立惟黃山谷楷書甚佳

十景

岑洞水簾

峩眉磧石

玉印中浮

長虹橫渡

曲水流觴

秋屏列畫

西山夕照

天城倚空

白巖仙蹟

都歷摩天

夔州府志

卷三十三

古蹟

六

開縣

開江故城在縣東一里

見沿革

清水廢縣在縣東北六十里

見沿革

新浦廢縣在縣西南九十里

見沿革

西流廢縣在縣西北一百五十里

見沿革

黃侯城在縣東五里五代時土人黃侯二家所築避兵

於此

虎跳城在縣南七十里五代孟蜀時土人築以防寇

老鴉城在縣南八里宋政和初土人避寇所築

鯉魚城在縣南九十里宋建炎初土人築

白鶴樓在縣城內宋慶元中建即今鼓樓

盛山堂在縣後圃唐柳公綽建韋處厚為開州刺史時

嘗咏遊其地有十二景詩韓愈為序俱詳見山川志困學

紀聞韋處厚盛山十二詩韓文公為序今見於唐詩紀事十二詩謂隱月岫流杯渠竹巖繡衣石宿雲亭梅溪桃塢胡蘆沼茶嶺盤石磴琵琶臺上士瓶泉也賤張文昌集中有十二詩其和又在作序之後他人即元白亦不傳矣

懷古堂在縣東圃士民為太守陳公璟建

遺愛堂在縣西圃士民為太守王正甫建

夔州府志

卷三十三

古蹟

七

裕民堂在縣舊州治內又有惠養雙栢二堂宋建

雲鴻亭在縣南三十里宋賈緯建

翠薌亭在縣北宋夏侯孚先記云盛山風物冠冕峽郡

其間十二樓多唐宋名人倡和

四並臺在縣北三十里宋張灝建遺址尚存

仙人鏡在縣南五里山巔有石圓五丈餘明徹如鏡繡

衣石在縣鐵山下

全蜀志餘開縣北二里盛山之麓有大石方圓二丈上有生成錦繡紋故

以繡衣名之又南五里山岩之畔有石方圓五丈許光彩耀目凡遇陰雨則絲髮無隱故以仙女鏡名之

宿雲亭

在縣盛山溫造有記韋處厚詩薺平連郡國帶繞抱江城張藉詩捲簾無俗客應只見雲來

十二景

宿雲亭

隱月岫

流盃池

琵琶臺

盤石蹬

葫蘆沼

繡衣石

瓶泉井

梅溪

桃塢

茶嶺

竹崖

此盛山十二景也另有漢豐八景補志於後

補遺

漢豐八景盛山積翠州面列屏熊耳曉雲迎仙夕照蓮池睡佛仙鏡凝輝清江漁唱瑞石凌霄

集真洞

在開縣北十里嘉靖五年掘出一碑記云內有石日月其明如晝為真人所居故謂之集真洞

俗傳漁人遇暑夜常見人在彼河沐浴有應答聲俄而遁入水中疑其為洞仙也

老龍洞

在開縣西北八十里洞門方廣五尺深不可測以火燭之行三里許有水池極深凡遇旱禱雨

輒應俗傳宋時早有祈雨者入洞中取水忽迷路遂前行三十里見一大宅院有一老嫗曝米穀後園中有犬

夔州府志

卷三

古蹟

六

數百五色斑斕各自為隊或躍或舞或偃或臥殿堂門廡金碧輝煌老嫗問曰汝來何為其人據實以對嫗賜飯食之甚美嫗常以身遮護恐為羣犬所傷乃曰此不宜久居我授汝以竹杖持此可知前路至洞口置之慎勿持去亦勿回顧又以白米一升貽之其人出洞門約百步回視竹杖乃龍也頭角崢嶸牙爪奮露奔至家視其米皆珠也其人年八十方卒

大寧縣

大寧監城今縣治

見沿革

觀瀾館在縣治明成化二年知縣何光建

拂雲館在縣北宋時刑曹廨舍之西今廢

朝陽樓在縣治宋孔嗣宗建以望鳳山

絕雲樓在縣治內宋孔嗣宗建

清風閣在縣南宋淳化中建

凝香堂在縣北宋孔嗣宗建四面環以花卉

江山堂在縣東

飛泉亭在縣舊監宋建其在監治者曰藏春塢江山堂

芳菲館清閼閣皆當時之勝境今俱廢

仙人洞

治北三十五里洞壑幽深莫測所止相傳明狀元江西羅洪先隱居於此不知所終疑為仙去有詩留於石壁之上洞口石崖上鐫有四大字曰天仙洞府

大悲口

溪心兩巨石對峙上廣下狹旁有乞靈祠

夔州府志

卷三三

古蹟

九

八景

東山起鳳

西嶺伏麟

高淵躍鯉

北閣觀瀾

春岸花香

秋江月色

兩溪漁火

萬竈鹽煙

